



Pou Piblikasyon Imedya: 26/07/2021

GOUVÈNÈ ANDREW M. CUOMO

GOUVÈNÈ CUOMO ANONSE KÒMANSMAN KONSTRIKSYON PWOJÈ REZISTANS NAN KONTE ORLEANS

Pwojè Estabilizasyon Litoral k ap Koute 2 milyon Dola a Pral pwoteje wout ki Enpòtan nan Vil Carlton

Sibvansyon Pwojè yo te Akòde nan Kad Inisyativ Rezistans ak Developman Ekonomik Gouvènè Cuomo a

Yo Alwe yon Total ki Egal a 300 Milyon Dola pou Kominote bò Litoral yo ki Gen Ladan 15 Milyon Dola pou Dragaj Rejyonal, 30 Milyon Dola pou Biznis Prive yo, ak 20 Milyon Dola pou Asistans pou Pwopriyetè Kay

Gouvènè Andrew M. Cuomo te anonse jodi a konstriksyon an te kòmanse sou yon pwojè rezistans ki koute 2 milyon dola nan Konte Orleans nan kad [Inisyativ Rezistans ak Developman Ekonomik \(Resiliency and Economic Development Initiative, REDI\) Lak Ontario Gouvènè a](#). Lakeshore Road nan vil Carlton se yon pasaj majè ki gen anpil rezidans e se youn nan wout prensipal ki mennen nan Point Breeze. Vag ak presyon glas orizontal te degrade falèz ki adjasan a Lakeshore Road la sa ki kreye yon sitiyasyon danjere pou wout la, sèvis publik yo, ak pwopriyete prive. Si wout la ta pèdi akoz ewozyon, vwayajè yo ta dwe oblige fè yon deviyasyon ki apeprè 16 kilomèt. Pwojè sa a ap chache lite kont ewozyon falèz la, ansanm ak pwoteksyon litoral an defayans ki deja egziste a, pou asire pasaj san danje yon fason kontinyèl pou rezidan ak vizitè yo.

"New York kontinye ede kominote ki te devaste pa inondasyon yo sou Lak Ontario ak Rivyè St. Lawrence an 2019 e pwojè sa a se jis dènye etap nan kad efò sa a", **Gouvènè Cuomo te deklare**. "Atravè pwogram REDI eta a, n ap travay avèk gouvènman lokal yo pou afèmi enfrastrikti ki enpòtan, pa sèlman pou rebati, men pou nou rebati pi byen, pou kominote bò litoral yo pi byen pozisyone pou reziste kont inondasyon ak lòt dezas natirèl alavni".

"Kominote sou rivaj Lak Ontario yo te fè fas ak gwo defi nan dènye ane yo akòz chanjman klima, epiEta New York ap kontinye envesti nan fè yo viin pi rezistan pou lavni", **Gouvènè Adjwen Kathy Hochul te deklare**. "Pi gwo priyrite nou se pwoteje moun k ap viv nan kominote sa yo, e pwojè rezistans sou litoral la nan Lakeshore Road nan Vil Carlton pral ede diminye inondasyon, amelyore sekirite ak kreye yon enfrastrikti ki dirab".

Yo dwe aplike mezi diminisyon dega nan pwojè sa a k ap gen ladan enstalasyon yon sistèm revètment an wòch tèrès ak pant renivle. Yo pral mete vejetal nan zòn ki genyen ant revètman an ak pant lan pou minimize pèt ewozyon potansyèl ak pwoteje pye falèz la.

Komisè Depatman Konsèvasyon Anviwònmantal la ak Prezidan REDI a, Basil Seggos te deklare, "Pwogram REDI New York la ap avanse pwojè pou pwoteje kominote sou litoral yo ki istorikman sansib a inondasyon nan evènman gwo dlo ak evènman move tan yo, isit la nan Konte Orleans ak tout litoral Lak Ontario a. Fòtifye litoral la sou Lakeshore Road se yon gwo egzanp pwojè estratejik ke lidè kominote yo te idantifye epi ki pral pwoteje rezidan yo ak vizitè yo nan vil Carlton pandan ane k ap vini yo".

Komisè Pak Eta yo, Erik Kulleseid te deklare, "Mwen felisite Gouvènè Cuomo paske li ankouraje ajans eta yo ak kominote lokal yo pou yo travay ansam pou prepare kont inondasyon Lake Ontario alavni. Travay sa a ke Konte Orleans ak Vil Carlton fè a pral fè yon lyen transpò enpòtan ki pi an sekirite ak plis fyab pou rezidan yo ak vizitè yo".

Direktè Eksplatasyon ak Komisè Egzekitif Adjwen Empire State Development Ian, Kevin Younis te deklare, "Pwojè enfrastrikti enpòtan sa a nan Vil Carlton pral korije efè danjere ewozyon yo bò wout la, sa ki pral ede pwoteje vwayajè yo ak rezidan kominote yo ki konte sou wout sa a. Atravè pwojè tankou sa a, inisyativ REDI ki gen plizyè ajans lan ap travay pou rekonstui kominote ki andomaje pa inondasyon yo ki kouvri Lak Ontario ak bò Rivyè St. Lawrence lan e sa se yon lòt etap enpòtan nan garanti avni kominote devan lak nou yo".

Prezidan Lejislati Konte Orleans Ian, Lynne Johnson te deklare, "Nan fè patenarya avèk Eta New York, Konte Orleans te kapab konseptyalize epi aplike pwojè Lakeshore Road la ki enpòtan an. Atravè pwogram REDI Gouvènè Cuomo a, rejon an pral pi byen prepare pou reziste kont evènman inondasyon yo alavni. Nou rekonesan pou asistans Gouvènè Cuomo, Komisyon REDI a, ak tout ajans eta k ap bay sipò yo".

Sipèvizè Vil Carlton Ian, Gayle Ashbery, te deklare, "Nan non Vil Carlton mwen ta renmen remèsyé Gouvènè Cuomo ak Komisyon REDI a paske yo ede rejon an avèk pwojè enpòtan pou diminye inondasyon tankou pwojè Lakeshore Road. Anplis de sa, nou rekonesan pou Konte Orleans paske li te antreprann pwojè epi mennen li soti nan konsepsyon rive nan eskavasyon sòl. Nou kontan wè yon pwojè ki enpòtans konsa pou rezidan nou yo kòmanse".

Nan repons ak chema inondasyon pwolonje nan tout bò rivaj Lak Ontario ak Rivyè St. Lawrence yo, Gouvènè Cuomo te kreye REDI a pou ogmante rezilyans kominote bò rivaj yo epi estimile devlopman ekonomik nan rejon an. Yo te etabli senk (5) Komite Planifikasyon Rejyonal (Regional Planning Committees) REDI yo, ki gen reprezantan ki soti nan uit (8) Konte—Niagara ak Orleans, Monroe, Wayne, Cayuga ak Oswego, ak Jefferson ak St. Lawrence—pou idantifye priyорite lokal yo, enfrastrikti ki gen risk ak lòt resous yo, ak enkyetid konsènan sekirite piblik la. Komisyon REDI a te atribye 20 milyon dola pou bay pwoprietè kay yo asistans, 30 milyon dola pou amelyore rezilyans biznis yo, ak 15 milyon dola pou yon efò dragaj rejyonal ke chak nan uit (8) konte nan rejon REDI yo ap benefisyé. Yo te atribye balans 235 milyon dola ki rete a, bay pwojè lokal ak rejyonal ki fè avanse epi montre egzanp misyon REDI a.

Anba enstriksyon Gouvènè Cuomo, Komisyon REDI a te vizite zòn ki te frape anpil anba inondasyon Lak Ontario yo epi li te travay avèk kominote lokal yo pou vini avèk yon novo vizyon pou bò rivaj la nan yon pwendvi ki chita alafwa sou rezilyans ak devlopman ekonomik dekwa pou rebati pi byen ak pi solid alavni.

Depi kreyasyon pwogram REDI Gouvènè a nan prentan 2019, 133 pwojè lokal ak reyjonal REDI finanse yo kòmanse, sa ki gen ladan 93 pwojè nan faz konsepsyon, 20 pwojè nan faz konstriksyon ak 20 pwojè ki fini.

Pou w jwenn plis enfòmasyon, pwofil pwojè yo ak nouvèl sou REDI, klike [isit la](#).

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)